

雷波廳志卷之十六

學校志

三代盛時首重立學肇建膠庠修明禮樂後世儲材
書院是該型仁講讓繼往開來運際昌明人材輩出
尊我聖道隆我儒術聲教所訖四海皆同化民成俗
喁喁向風志學校第十六

雷波舊爲夷地前明萬曆十七年平安興後始隸版
圖於雷波黃螂兩鄉各建社學一所訓迪儒童至
國朝雍正七年改土歸流設雷波衛乾隆二十六年升

雷波廳志

卷之十六

學校

衛爲廳均未建學嘉慶三年通判方懷萱見廳民向
學有年文風日盛乃修明典禮崇啓學宮相地於城
南環築宮牆建正殿一楹奉祀

至聖先師孔子神主東西兩廡各五間奉祀從祀諸賢南
爲戟門又南爲靈星門又南爲泮池左禮門右義路
照牆一座牆外立下馬碑復建

崇聖祠於殿後工完詳請開學嘉慶九年 總督勒保學
政錢棡合詞具題接奉 部覆准裁冕甯縣訓導移
設雷波廳學取文武生各三名廩生六名增生六名



四年一貢通判李鐸始建學署於廳署之左道光二十二年署燬於火復移建於城南學宮之右署內建明倫堂堂左立

御製臥碑載

御製訓飭士子文於上光緒十八年通判秦雲龍建名宦祠

鄉賢祠於靈星門外

四川總督勒保學政錢枋請設專學疏竊雷波廳詳請建設專學一案經臣批司查議核辦去後茲據布政使楊發祥查得雷波自乾隆二十六年改衛為廳向未議設學校該廳有讀書應試者輒赴隣邑附考近年人文漸盛若不設立專學無以鼓舞士氣且該處漢夷雜處禮義未嫻往往爭競構衅

雷波廳志

卷之十六

學校

二

自應亟為立學振興文教不特該廳士庶登進有階即夷人梗頑之習亦可默化潛移查該廳初設學校應照川省松潘廳小學之例定為文武學額共八名歲試取進文生四名廩增各十二名三年一貢其應設教職應於通省裁撥查有甯遠府甯遠縣學額僅止八名原設教諭訓導二員本屬人浮於事應請裁去訓導一員移設雷波以資訓迪應支俸銀學書門斗等役工食即以甯遠縣訓導名下應領之項改由該廳照數動支報銷其學攢一名照例召募役滿考職至新設訓導學記並請由部鑄頒以昭信守再從前該廳籍貫附入隣邑取進之文武生員應行查明撥歸該廳新學另行造冊咨部查核詳請具題臣覆核無異謹會同學政臣錢枋合詞具題伏乞

皇上睿鑒敕部議覆施行奉旨該部議奏欽此部臣等議得四川省雷波廳自雍正六年

改土歸流乾隆二十六年改衛為廳邊徼偏隅涵濡教澤八十餘年果能比戶絃歌爭趨儒雅自應建立膠庠以彰

盛朝作人之化且夷漢雜處更宜導以詩書化其頑梗向因人文未盛未立專學應試者輒赴隣邑附考今據該督疏稱該廳人文漸盛應試文藝頗有可觀爰照松潘廳之例專設雷波廳學額臣等查與向來辦過成案尚屬相符但所請文武學額八名未免過優應請定為文武學額共六名歲試取進文生三名武生三名科試取進文生三名如果將來人才更盛人數日增再由該學政酌量

奏請加額至所請廩增各十二名三年一貢之處臣等查該廳向來生童俱附入宜賓屏山雲南永善等縣考試目下所設學額取進新生尚少雖有附考隣邑取進應行撥歸廳學之人究屬無幾所請廩增各十二名三年一貢未免過優應請定為廩增各六名四年一貢先行造冊咨部查核至所稱應設教職查有甯遠府冕寧縣原設教諭訓導二員本屬人浮於事應請裁去訓導一員移設雷波廳以資訓迪等語亦應如該督所請冕寧縣訓導准其裁汰移駐雷波廳其學記令該督擬定字樣咨送吏部兼寫清漢移咨

雷波廳志

卷之十六

學校

三

禮部頒發其學攢一名應准其召募充役五年役滿照例考職其應支俸銀學書門斗等役工食准以冕寧縣訓導應領之項改由該廳照數動支報銷所有春秋兩祭應設祭祀銀十二兩准於本省鹽耗羨內動支其學署另行估計興修自應准其辦理核實確估照例造具冊結報銷恭候

命下臣

部行知該學政一體遵照

書院

錦屏書院在青龍巷內嘉慶二十五年署通判陸成本建先是嘉慶七年前按察使董教增建昌鎮總兵張志林敘州府知府淡士灝來廳勦辦夷務事平後創議建設書院共捐銀五百兩置買學田一分十二

年雷波業建專學訓導鮮于薰乃於學署左購民房
三間為肄業之所二十一年訓導冉思儒復購民房
五間暫作書院而其制未備至二十五年署通判陸
成本始於青龍巷內易王立昇民房十五間創修書
院講堂學舍皆備並籌捐巨款置買產業田地歲收
租穀作為山長束脩為文以記

通判陸成本記

竊維正民風先端士習講文藝先崇實學是書院為
國家雅化作人凡省會以暨府廳州縣無不遍設書院
延請經明行修足為多士楷模者掌教其閒謹庠序
之教申孝弟之義廣加訓迪且各省會城書院並蒙

雷波廳志

卷之十六

學校

四

賜帑生息以資師生膏伙其府廳州縣書院定例或由
紳士捐資倡立或由地方官撥公經理誠欲使六合
之內草茅之士莫不一道同風人爭向學以此日讀
書明理修於家者為異日

朝廷著作之選

典至鉅也雷波僻處邊隅雍正六年始設衛乾隆二十

六年改衛為廳嘉慶十年甫設學校先是嘉慶七年
夷匪滋事前四川臬使董教增督師來討事平後因
見文風漸盛建議創設書院與建昌總鎮張志林敘
府太守淡士灝共捐廉銀五百兩交前別駕置買學
田一分續於嘉慶十二年前訓導鮮于薰復倡首勸
捐於學署之右購民房三間地基一段欲以創修院
宇特因經費不濟未能集事遂致似有若無因循未
舉者復十餘年戊寅秋余來署篆暇日進諸生童而
課其文藝頗有可觀蓋緣涵濡
教澤數十年來戶誦家絃已莫不爭趨儒雅自應亟為延
師主講以冀人文蔚起惟是前置之屋地近市塵塵
囂湫隘不但未足容彼生徒且學田歲入之息僅百

撥金脩脯膏伙在在不敷而邊瘠之區官既無公可
人田萬聚等呈請每歲願捐書院脩脯是所虧僅止
一簣復謀之諸紳耆咸願妥為籌辦旋有耆民王立
昇願將青龍巷住宅一院計共十五間作為書院以
書院舊屋三間及劉姓入官店房三間半與之相易
其應補王立昇屋價銀一百兩並據捐施公同呈請
前來余視其宅幽靜宏敞誠可為多士潛修之所且
原購民房本係書院初基即劉姓店房亦係入官抵
還社穀均屬官物大可以公濟公况王立昇等以編
戶小民乃能急公慕義實足矜式閭閻尤當遂其樂
善之誠以示鼓舞勸導當各允其所請並即諷吉鳩
工重加改葺茲幸落成特為誌其緣起並將先後撥
入書院產業地租逐一臚列於後從此延聘名師來
懸絳帳將見仙城子弟漸摩薰陶化比齊魯入敦孝
弟出效忠良以仰副
聖天子作育之心右文之治守土者有厚望焉至若書院
之名則前臬憲董公教增以此地層巒聳翠列峙如

雷波廳志

卷之十六

學校

五

屏會命名曰錦屏茲因其舊誌董公之遺愛也惟脩
脯膏伙等項為數甚菲將來擴而充之並再酌資歲
科鄉試貲斧是所望於後之君子余實愧草創之未
周焉嘉慶二十五年七月既望記

義館

城東義館

城南義館

黃螂義館

牛吃水鄉義館

天堂廟義館十九年新添

書院義田

嘉慶七年臬司董教增建昌鎮總兵張志林敘州府

知府淡士灝共捐銀五百兩置買城南水田一分以資學校至嘉慶二十五年通判陸成本修建書院自捐銀九十八兩並籌巨款以作山長束脩外職員吳玉俸以自置神農闢地土一分捐添脩脯耆民羅三重捐水田一分以資膏伙道光十一年通判郭輝翰買小學田一分收租三十八石添補生童膏伙黃螂學田嘉慶二十三年通判任振雍以濟田餘款買地土一分收苞穀租十石以作延師之費歸書院齋長經收其小學三堂每年束脩九十千文並山長

雷波廳志

卷之十六 學校

六

束脩一百千文俱歸書院支給惟牛吃水鄉義館書院僅送錢十千餘數該鄉自行籌給

一本城義田四分每年收稻穀五十石
一神農闢土十分每年收苞穀租四十五石二斗又收乾租錢貳千文

一柑子口地一段每年收苞穀租十石
一白崖溝土十分每年收苞穀租二十五石壹斗
一箐口汛土一段每年收乾租銀四兩
一羅漢溝土一段每年收乾租錢五千六百文

- 一李子坪土一段每年收苞穀租二石
- 一鵝公嘴土一段每年收苞穀租五石
- 一大穴廠土一段每年收苞穀租三石
- 一黑卡卡土一段每年收乾租錢六千文
- 一正街店房二間每年共收房租錢十六千文
- 一本城東街店房一間每年收地租錢三千文
- 一青海子水田一分每年收乾租銀四兩
- 一收生息苞穀利租共七石
- 一安坵坪田一段每年收穀租十二石五斗

雷波廳志

卷之十六 學校

七

- 一狍子壩土一分每年收苞穀租七石
- 一苦葉溪土一段每年收苞穀租六石五斗
- 一羅三溪土一段每年收苞穀租一石五斗
- 一野毛溪土一段每年收苞穀租二斗
- 一茨竹坪土一段每年收乾租錢四千文
- 一雙河口土一段每年收苞穀租一石
- 一官村土一段每年收苞穀八斗
- 一東林鄉筍廠每年收秤租錢六千文
- 一城內筍秤歲收租錢二十千文

興賢會義田

道光二十六年通判劉耀庚參將盛世祥訓導張學古會議以雷波初經設學公費繁多悉取給於應試士子以此寒峻之士考試維艱乃倡捐巨款飭紳士許盛朝謝年皋等置買南門外田畝每年收租穀一百餘石以作歲科廳府院試公費名曰興賢義田為文以記

通判劉耀庚記
從古學校之設原以養育人材我朝文教覃敷無遠弗屆雖邊徼巖疆亦期家絃戶誦涵濡

雷波廳志

卷之十六 學校

聖澤律嚴冒籍之禁非但以杜倖進正以勵此邦人士爭自濯磨俾文治蒸蒸日隆也道光丁酉秋八月雷波猓夷跳梁余捧檄從戎旋攝廳篆乃授斯職戎馬倥偬軍書旁午啓處不遑者瞬逾三載矣查雷波舊有錦屏書院又有桂香義館前人所置作人之雅意至周且備余雖百忙中不敢廢學仍每歲於書院義館各延師課讀偶有小閒即親詣書院考校見齟齬之子弟聰俊可造就者多及歲科兩試本籍童子隊橐筆應試寥寥不滿二十人詰其故僉稱為冒籍所侵遂致無志讀書嗚呼此非守土之責歟己亥科試余即力除積弊擯絕冒籍淨盡奈棚費無資亦非經久之計因與參戎盛公琨圍廣文張君信齋暨文生許盛朝謝年皋諸君子熟籌作集腋舉爰各捐廉以為倡廣勸廳屬官弁紳耆兵民共相醵金置買附郭沃腴按年收租以作歲科廳府院試公費凡赴試者概行蠲免卷價喜此舉果能相與以有成也因顏之曰興賢義田更為釐定章程條例而壽之石惟祝後來通守及本地紳耆妥善經理歷久勿替或更踵事增

華令人文蔚起有厚望焉是爲記時道光二十一年
辛丑孟夏上浣

一本城南關外水田十一分每年共收穀租一百一十五石

一牛吃水水田一分每年收穀租八石

一東林鄉土一段每年收苞穀租二斗

膏伙局義田

咸豐六年通判賀洪熙募捐巨款置買義田歲收稻穀一百五十石名爲軍需膏伙局有事之時作爲軍需無事之時作書院生童膏伙

雷波廳志

卷之十六

學校

九

按書院興賢各款歲入錢穀租息先後不同今特舉初設時所置田產逐一登載以見前人經營創造之苦心至現在實收若干則司事者簿錄具在茲不贅述